

Միջվարժարանային հանրապետական օլիմպիադա 2019թ.

11-12-րդ դասարաններ

1. Այս կղզիախմբի մեծ կղզուն թարգմանաբար կոչում են «գլխավոր կղզի»: Մյուսը «ճանապարհ է ցույց տալիս դեպի հյուսիս», մեկին անվանում են «նոր երկիր», իսկ մյուսին «չորս նահանգ» են կոչել: Ո՞ր կղզիախմբի մասին է խոսքը: Թվել կղզիների անունները համապատասխանեցնելով թարգմանությունների հետ: Որ պետությունն է գտնվում նրա վրա, որն է մայրաքաղաքը: Ինչպես է կոչվում երկիրը տեղացիների լեզվով: _____ 2
2. Այդ երկիրը ամենափոքր պետություններից մեկն է աշխարհում, սահմանադրական միապետություն է: Երկրի արտաքին քաղաքական շահերը միջազգային ասպարեզում ներկայացնում է Շվեյցարիան: Տնտեսության հիմքը ֆինանսական ծառայություններն են, միաժամանակ նա Եվրոպայում առաջինն է 1քառ. կմ-ի վրա արդյունաբերական հագեցվածությամբ: Նամականշների վաճառքով ապահովվում է երկրի բյուջեի 10%-ը: Երկրում զարգացած է միջազգային զբոսաշրջությունը: Երկրի անունը թարգմանաբար նշանակում է «թեթև» կամ «փայլուն», «քար»: Որ երկիրն է դա, որն է մայրաքաղաքը: Որոնք են նրա հարևանները: _____ 1
3. Դուք հավանաբար սովոր եք տեսնել Արեգակը, երկնականարի հարավային կեսում: Սակայն երկրի վրա կան շրջաններ, որտեղ Արեգակը կարելի է տեսնել նաև հյուսիսում: Դուրս գրեք այն պետությունները, որոնց բնակիչները կարող են տեսնել Արեգակը երկնականարի հյուսիսային մասում և դասավորեք դրանք հյուսիսից հարավ ուղղությամբ:
Ուկրաինա, Հնդկաստան, Ուրուգվայ, Կանադա, Կորեա, Նիդերլանդներ, Նոր Գվինեա, Նոր Զելանդիա, Ալժիր, Մոզամբիկ, Իռլանդիա, Անգոլա: _____ 2
4. Բրազիլիայի բնիկներն այդ երևույթն անվանում են *ամազունու* կամ *պորորոկա*: Երկրագնդի գետերից այդ երևույթը դիտվում է միայն այստեղ՝ մեր մոլորակի ամենաջրառատ գետում: Ո՞րն է այդ երևույթը: Ո՞րն է դրա առաջացման պատճառը: _____ 2
5. Բառաշարքից դուրս գրել ավելորդները _____ 1
ա/ շվեդներ, անգլիացիներ, ֆիններ, դանիացիներ, էստոնացիներ
բ/ ածուխ, նավթ, բոքսիտ, ցեմենտ, տորֆ, պողպատ
6. Դրանց այլ կերպ անվանում են՝ _____ 2
ա/ Մալվինյան կղզիներ _____
բ/ Կաբո Վերդե պետ. _____
գ/ Զունդ նեղուց _____
դ/ Պերուական հոսանք _____
ե/ Զուրուն-Մերուն _____
զ/ Նեղոս գետ _____
7. Լրացնել աղյուսակը, նշելով, թե ո՞ր կղզիներն ու թերակղզիներն են բաժանում տրված նեղուցները: _____ 2

Նեղուցներ	Կղզիներ	Թերակղզիներ
Մեսինայի		
Փոլկի		
Ֆլորիդայի		
Թորբեսի		
Յուկատանի		

8. Թվարկել այն գետերը, որոնք հոսում են նշված քաղաքների միջով _____ 2

ա/Նոր Օդեսան

բ/Աշտարակ

գ/Թբիլիսի

դ/Վարշավա

ե/Սանկտ Պետերբուրգ

զ/Կապան

է/Լոնդոն

ը/Բուդապեշտ

թ/Կիև

ժ/Քյոլն

9. Այս պետության անվանումն առաջացել է նրա արևմտյան սահմաններով ձգվող լճի և արևելյան ափամերձ կղզիներից մեկի անվանումների առաջավանկերից: Նշել լճի, կղզու և պետության անվանումները: _____ 1

10. Վայրի աշխարհագրական կոորդինատներն են՝ հվ լ 55° և արլ է 70°: Որոշել Արեգակի ճառագայթների անկման անկյունը սեպտեմբերի 23-ին և հունիսի 22-ին, կեսօրին (պատասխանները հիմնավորել հաշվարկներով) _____ 2

11. Ա բնակավայրի կոորդինատներն են հս լ 36°, արլ է 56°, իսկ Բ բնակավայրին՝ հս.լ 20°, արմ.է.24°: Որոշել բնակավայրերից յուրաքանչյուրի ժամային գոտին, և ժամերի տարբերությունը: (պատասխանները ստանալ հաշվարկներով): _____ 1

12. Որքա՞ն է 80000կվտ/ժ էլեկտրաէներգիա արտադրելու համար պահանջվող քարածխի քանակը տոննայով: (Պատասխանը հիմնավորել հաշվարկով): _____ 2